

UNIVERZITET U TUZLI
Broj: 01-121-JN-15/16
Tuzla, 16.01.2017. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 89. Statuta Univerziteta u Tuzli (Drugi prečišćeni tekst) broj: 03-2776-3/14-1 od 21.05.2014. godine, a nakon razmatranja Zapisnika Komisije o ocjeni ponuda broj: 01-121-JN-14/16 od 12.01.2017. godine, Rektor Univerziteta u Tuzli donio je

O D L U K U **O IZBORU NAJPOVOLJNIJEG PONUDAČA**

I

U okončanom Otvorenom postupku za nabavku rezervnih dijelova za računare i mrežu za potrebe Univerziteta u Tuzli, izabran je ponuđač „Inter-com“ d.o.o. Zenica sa ponudenom cijenom od 6.618,33 KM sa uračunatim PDV-om, te se istom dodjeljuje Ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je prilikom poređenja sa ponudama ostalih kvalifikovanih ponuđača, u odnosu na zadani kriterij odabira „najniža cijena“ imala najnižu ponuđenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku rezervnih dijelova za računare i mrežu za potrebe Univerziteta u Tuzli putem Otvorenog postupka javne nabavke broj: 01-121-JN-1/16 od 08.11.2016. godine objavljenom na Portalu javnih nabavki e-nabavke broj: 795-7-1-139-3-135/16 od 07.12.2016. godine i WEB stranici Univerziteta. U ostavljenom roku ponude je dostavilo pet ponuđača i to: „R&S“ d.o.o. Sarajevo, „Inter-com“ d.o.o. Zenica, „Multiline“ d.o.o. Tuzla, „Infonet“ d.o.o. Tuzla i „Genelec“ d.o.o. Tuzla. Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila da su svi ponuđači dostavili sve dokaze zahtijevane Tenderskom dokumentacijom zbog čega su ocijenjeni kvalifikovanim za dobro obavljanje posla.

Ponude kvalifikovanih ponuđača Komisija je pregledala i konstatovala da su iste tehnički prihvatljive te ih je poredila u odnosu na zadani kriterij odabira “najniža cijena” nakon čega je sačinjena sljedeća rang lista ponuda po povoljnosti:

1. „Inter-com“ d.o.o. Zenica
2. „R&S“ d.o.o. Sarajevo
3. „Genelec“ d.o.o. Tuzla
4. „Infonet“ d.o.o. Tuzla
5. „Multiline“ d.o.o. Tuzla.

Budući da ponuda ponuđača „Inter-com“ d.o.o. Zenica u svemu zadovoljava tehničke zahtjeve Univerziteta predviđene tenderskom dokumentacijom i ima najnižu ponuđenu cijenu to je Komisija predložila Rektor Univerziteta da istom dodijeli Ugovor.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Rektor Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića broj 1.

Prilog: Zapisnik o pregledu i ocijeni ponuda broj:
01-121-JN-14/16 od 12.01.2017. godine

DOSTAVITI:
1x svim učesnicima
1x a/a

REKTOR

Prof. dr. sc. Samir Nurić

